

**Q. D. B. V. Disputatio medica exhibens casum salivationis sine salivatione.
Divina favente gratia, gratiosae Facultatis Medicae consensu, pro loco
placido eruditorum examini submissa; / praeside Elia Camerario, M.D.
Respondente Georgio Tobia Weismanno, Nürtingens. In aula nova. Ad d.
18. Decembr. Anno M DCC XI.**

Contributors

Camerarius, Elias, 1673-1734.
Weissmann, Georg Tobias.
Universität Tübingen.

Publication/Creation

Tubingae : Literis Hiobi Franckii, [1711]

Persistent URL

<https://wellcomecollection.org/works/dczcszp2>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

T

Q. D. B. V.

DISPUTATIO MEDICA

exhibens Casum

SALIVATIONIS SINE SALIVA- TIONE.

Divina favente Gratia,

Gratijsæ Facultatis Medicæ consensu,

PRO LOCO

placido Eruditorum Examini submissa;

PRÆSIDENTE

ELIA CAMERARIO, M. D.

Prof. Publ. Ordin. Seren. Wirt. Duc. Consil.
& Archiatr.

RESPONDENTE

GEORGIO TOBIA WEISMANNO,

Nürtingens.

In Aula Nova.

Ad d. 18. Decembr.

Anno MDCCXL.

TUBINGAE,

Literis HIOBI FRANCKII.

DISIDAT QITATUR
DOMINA SALVATORIS

Слово о полку Игореве

L. B. S.

Xhibemus Tibi, Lector Benevole,
Salivationem sine Salivatione, æ-
grum scilicet Venerea labe infe-
ctum misereque tortum, qui mo-
lestam illam, quæ per Salivationem
dicitur instituiturque, sanationis viam ingres-
sus, salivæ equidem, quem expetebat fluxum
procurare nulla arte valuit, deperditam nihilo-
minus Sanitatem præter spem consecutus ple-
nissimam, firmissimamque. Non Te erudire,
sed prodesse dissentium commodis, ac dispu-
tatorio exercitio materiam suppeditare ani-
mus nobis est. Adsit DEUS Conatui.

CAP. I.

*Historiam sistens Morbi, methodumque Sanatio-
nis, observatam in casu, quem Disputationis
fundamentum esse voluimus.*

Mnorum 25. Juvenis, temperamenti sanguineo-cholerici, Gonorrhœam triennio abhinc virulentam ex impuro contraxerat concubitu, suppressit eam citius quam par erat remedij adstrin-

adstringentibus; admissos porrò errores enataque hinc
 incommoda occultare diu maluit; quām fateti morbum,
 donec emergens è sinistro inguine Venereus bubo metum
 ipsi haud levem incuteret; Chirurgi hinc semidocti con-
 silio emollienti emplastro adoritur bubonem è latibulis
 suis pedetentim assurgentem, sed nonnisi exili in summi-
 tate ac superficiario foramine pertusum, ac pus, parcus
 tamen justo fundentem, non audivit Chirurgi monitum,
 protrahendum Cataplasmate bubonem, provocandumque
 pus pleniori rivo suadentis, sed consolidationem urgens,
 facile eam in ulcere haud profundo obtinuit emplastris illi
 scopo servientibus; cùm verò & lassitudines, & dolores
 dorsi artuumque acres pateretur, ejusdem Chirurgi suasu,
 decocto lignorum aliquandiu usus, largius sudorem pro-
 vocando aliquod mali levamen tantisper sensit. Breves
 verò infidæque induciæ erant, ruebant omnia dehinc in
 pejus, dyspnœa, præcordiorum anhelosa constrictio, im-
 manes dorsi dolores, miseræ hinc insomnesque noctes gra-
 viissimè urgebant ægrum, lecti calorem minimè ferentem.
 Is verò, quovis alio morbi genere malens videri ægrotare,
 quām eo, quo revera tenebatur, Medico aliam allegare
 Symptomatum originem nitebatur, unde à Castoreatis,
 Cinnabarinis, Nitrosis, Anticachecticis aliisque remediis
 opis aliquid subinde sensit; novo tamen brevi symptomati-
 tum gravissimorum impetu obrutus in maciem incidit, sen-
 sim tensa violentius super ossium compagem cute, præcor-
 diis fortiter constrictis, respiratione anhelosa, intolerabili
 dorsi dolore, nocturno cum primis tempore artus quoque
 miserè affligente, ut noctes duceret inter ejulatus insomnes,
 sibi aliisque gravis, lectumque ob incrementa dolorum ac
 dyspnœæ fugiens, vitamque trahens miserrimam. Tum
 demum Medici, Venereæ Luis occulta molimina dudum
 allegantis accusantisque, consiliis assentiri, culpamque cœ-
 pit

pit fateri. Itum igitur est ad generosa remedia, frustrā dudum tentatis reliquis ac mitioribus, sectāque venā, & purgante remedio exhibito, duro nodo durus quæ situs est cuneūs, Mercurius scilicet, molestaque ejus in corporis penetralia insinuatio, largissimum salivæ fluxum excitans, Salivationis, quam vocant, Cura. Fumo Mercuriali expositum fuit corpus (hanc enim methodum Chirurgus, cuius utebatur opera, solennem sibi dicebat,) erant in ædibus iisdem plures alii eadem labe inquinati, qui fumibus admittentes largissimè lentam viscidamque profunde- bant foetenti ex ore pituitam; nostro verò huic nihil tale accidit, tertia etiam, quartāque vice larga fumigatione admissa, adeò ut, licet copiosè manante madesceret sudore quāvis vice, nec ullum tamen vel gingivæ glandularumque intumentum, vel salivæ uberioris extillantis indicium se- se proderet, sicca potius omnia erant; stupens adista, qui nunquam id viderat, Chirurgus, consentiente Medico Pa- naceam porrò adhibuit Mercuriale, sed ne sic quidem feri fluxus successit, tandemque, Mercurio bis largiter fuit inunctus, at neutiquam aridæ fauces salivam stillabant, aliquoties tamen liquida alvus in diarrhoeam quasi soluta est; jussit igitur finem istorum omnium fieri Medicus, te- nuemque Diætam mutari, ac prodire sensim ex carcere ex- succum, exhaustumque corpus, Mercurio haud perfun-ctoriè hactenus triplici hac via imbutum, sperans, à singu- lari remedii successu singularem eventum, nec sefellit op- nio, brevi homo ad incitas prius redactus vigorem rece- pit pristinum, habitum denuò athleticum recuperans, at- que ab omni porrò symptomate infinitisque, quos perpes- sus antea fuerat, cruciatibus, planè liber valet nunc, vi- getque.

CAP. II.

Mali originem, neglectam repressumque Gonorrhœam, & Salivationis Methodum modumque considerat.

AGer, cuius modò historiam, affectumq; & sanationem exposuimus, clarissimè exemplo suo comprobavit, tristem frequentissimè esse momentaneæ voluptatis eventum, morbumque adeò tetur, non aliarum ægritudinum more diuturno excessuum errorumq; usu obrepere, sed plerumq; subito atq; imperceptibili contagio in plurium annorum tædia transmitti. Gonorrhœam repressit imprudens, frequentissimo, in isto hominum genere, errore. Tædet certè sub diuturno ac dolorifico saniei fluxu tot miseriарum molestiarumque eos, qui morbum plerumque sollicitè occultare student; repressionem igitur ejus unicè desiderant, insano quidem ausu, cum hostem ipsa vitæ stamina insidiosè subruentem vi intra corporis pomœria retineant. Tædet ipsos dolorum ac molestiarum, immannis est saniei ardor, gonorrhœæ, si cordata audiat, cruciatus enormes reformidant, reprimunt ergò fluxum, at quam graves impatientiæ pœnas daturi, testiculorum tumore ac scirrhosa ferè duricie, bubonum horrenda lancingatione, doloribus ἐσοχόποις, urethræ hypersarcosi atque ulcere, glandisque immanibus fissuris, cæterisque Luis testræ truculentis symptomatis imprudentiæ suæ serò ipsos & gravissimè arguentibus. Exemplum Historia nostra exhibet, quod unà tamen docere valeat, non eâdem venenum illud ratione in corporis ambitu sese exsiccere: sunt enim in quibus genitales magis invadens occupansque partes dictas modo ludit tragœdias, frequente corpus ulceræ conspurcat, corrosivæ quippe, cansticæque indolis,

ipsa

ipsa tandem ossa peradentis erodentisque; alibi verò sce-
 nam suam in nervorum tendinumque systemate aperit, va-
 rioque in illorum plexibus schemate virus suum simul ex-
 serit atque occultat. Evenit hoc potissimum ægro nostro,
 quanquam ex utroque aliquid passus fuerit. Gonorrhœam
 intempestivè adstringentibus coercuit, diætæ simul stre-
 nuus contemptor, acris igitur sanies sanguinis illata massæ,
 inque nerveos dehinc delata plexus tot dolorum author
 extitit, cumque molestam sibi natura robustior amoliri
 atque extrudere massam niteretur, ac in inguine tumente
 glandula buboneque elato exitum pravis pararet succis,
 etiam hîc propellendus omni conatu provocandusque ho-
 stis stultissimo ausu repressus est, superficiario saltem ul-
 cere mox iterum omni nisu ad cicatricem perducto. Pri-
 stinas ergò in nervis sedes bis jam temerariè repressus hu-
 mor eò gravius repetiit effecitque, ut & dolores æger pa-
 teretur in capite, dorso, artubusque immanes, nervis ab
 acrimonia miserè laceffitis constrictisque partim, ac tensis,
 & flectere corpus atque inclinare amplius non valeret, ex
 eodem fonte constrictio pectoris, summa lassitudo, &
 extrema tandem macies, cum nutritias sanguinis partes
 dudum subjugasset pervertissetque acerrimæ saniei virulen-
 tum stigma, ad nutritionem æque & per capillaria vasa
 circulationem longè ineptissimum, quo ipso vigor omnis,
 & spirituum libera in cerebri cortice elaboratio, fons ro-
 boris vitalis, non potuit non penitus succumbere atque ex-
 tingui. Poterant igitur mitigare tantisper funestam ma-
 lorum syndromen nervina, aliaque memorata remedia,
 at malum tantis firmatum radicibus tollere haud valebant,
 cum laceffentis veneni subtilissima spicula intimos fibril-
 larum recessus intimè pervasissent; nec decoctis lignorum,
 sudoribusque largiter institutis cessit morbus, quin majora
 brevi post capiens incrementa ægrum intolerabili crucia-

tu ad extrema & desperationem ferè adegit, cum move-
rent equidem, sed non emoverent satis excuterentque,
quin potius altius nervorum infigerent intruderentque fi-
brillis frequentiores isti sudores, acres, pungentesque &
viscidas simul lertasque sanie Venereæ corporis succos per-
vadentis moleculas. Properandum igitur, nil succumbe-
re tabi, doloribusque enormibus debuisset æger, ad for-
tiora erat remedia, quæque penitus ad istas veneni mole-
culas penetrarent accederentque particulis suis tenerimis
ac volubilibus, ac vim proin earundem infringerent, ac
secum eas protrusas involutasque ex corpore educerent at-
que eliminarent.

Vocatus itaque in subsidium Mercurius, ac solennis
illa tam virulentæ Lui eum adhibendi methodus. sali-
vationis quam vocant, Cura. Hæc dudum merito suo ce-
leberrima est, aliis quoque hodie affectibus dicata, non
pari equidem successu, plus in fœda scabie, impuroque
sanguine corrigendo promittens, quam quidem in paralyssi
præstitisse hactenus observare licuit; (an in occulto mam-
mæ cancro locum habeat medica nuper consultatione dis-
cussum meminimus:) Ab hoc igitur tam decantato hodie
remedio innumera alia exempla multum, imò opem uni-
cam sperare jubeant. Eligendus saltem erat præstantior
modus, quò deferri in penetralia corporis mercuriales
moleculæ poterant. Adhibere hoc remedii genus sub va-
ria forma solent Medici ac Chirurgi; notissimum est alios
Mercurium dulcem, Turpethum alios Minerale seu flavum
Mercurii ac paulo violentius præcipitatum auctis subinde
dosibus exhibere, Panaceam alios, quam vocant, Mercur-
iale, quanquam nec illam semper adeò fidam lenemque,
ac deprædicare eam solent; alios alias arcana ejusdem re-
medii præparationes, semper tamen Mercurius est, que-
cunque ipsum vestiant circumdentque pallio, à nullo ha-
ctenus

etenus, si t' venia verbo, fixatus; quanquam s'epissimè cum fructu internè sic exhiberi ac salivationem salutariter excitare res sit experientia frequenti firmata. Unguentis permixtum alii Mercurium unctione articulorum potissimum ac frictione applicant, modo nobis hactenus præcipue ac multo cum fructu probato, ac satis, si circumspetè tractetur æger, tuto seculoque; adeò ut vel gestantis utero fœminæ recordemur, quæ felici eum successu pertulit, nullo inde in fœtum, ejusque convenientem gestationem atque exclusionem incommodo redundantem. Quanquam & hīc non probandus sit excessus, ac Viri nunc cujusdam exemplum subeat mentem, qui toto largiter pluribusque inunctus vicibus corpore, ulcerato nimium ore & ptyalismum patiebatur ultratres hebdomadas vix coercendum, & hemorrhagiam ex putridis gingivis ac hiantे fissuris spurcissima lingua enormem ac vix coercendam.

Æger verò noster aliam primò methodum subiit, sumo nempe expositus Mercuriali. Dandum plerumque aliquid est mori Chirurgi ministrantis, qui uni præ aliis methodo assuetus esse solet, haud temerè, si cætera sint paria, rejiciendo. Notum alias, quantum noxæ patientur à Mercurii infausto sumo, cum largius eum inaurando argentum hauserint aurifabri, ac plusquam semel immanes vomitus, horrendas vertigines, atque aliquid apoplexiæ analogum in iis observavimus. Verùm hīc ita halitus è trochiscis prunis carentibus injectis assurgentès à tegumentis coercentur, ut caput ferire, graviusque afficere haud possent. Rarotamen exemplo æger hic & fumigationem hanc, & inunctionem tandem, medioque loco Panacea experiri, utut sine salivatione coactus fuit.

Quærat forsitan quis, qui fiat, ut qui & ore assumtus & inunctione in corpus se insinuans, & halitus forma, per oscula porosque cutis ingrediens salutarem, s'ritè cæ-

tera omnia fiant, salivationem, sine gravibus excite
 symptomatibus corpusque à labe immani liberet, eâdem
 halitus forma largius ore haustus perniciosus esse queat.
 Cui ut respondeam, prius supponenda statuendaque ratio
 est, quâ argentum vivum corrigat venenum istud ac tetram
 humorum labem in corpore infecto tam profundè hæren-
 tem. Varia variorum audias ratiocinia, quorum illi sub-
 tilius præ aliis rem deducunt, qui Mercurii globulos con-
 siderant, tanquam alcalium familiæ adscribendos, quorum
 vaginulæ, hoc est, foramina, queis pertusi sint creberri-
 mis, abscondant ac recipiant in se, mitigentque proin &
 simul volubilitate sua secum evehant è corpore acidi vene-
 rei cuspides spiculaque; ac eundum omnino foret in senten-
 tiam illam, nisi hæ globulorum Mercurialium vaginulæ,
 hæc eorundem foramina ac cavitates, totaque proin ipsis
 adscripta alcalina in doles dubiis exposita esset haud conte-
 mnendis. Malim proin credere globulos hos summè par-
 vulos, summè mobiles volubilesque, ac simul pondero-
 sos, & vi suæ figuræ omnibus vasculorum quorumcunque
 capillarium mæandris, osculis, ac cavitatibus congruos,
 facileque accommodandos, suo per illa fluxu ac protrusio-
 ne cum reliqua humorum pravorum massa, viseidas vene-
 ni hujus acris ac lentas moleculas, firmius tunicis vasculo-
 rum adhærentes, secum protrudere, abstergere, ac ad ex-
 crectionem per glandularum oscula potenter urgere, secum-
 que proin efficaciter eliminare, quæ nullis aliis remedio-
 rum particulis, rotunditate quippe ista ac lubricitate de-
 stitutis, antea cesserant, sed immota sua in sede angustiis-
 que permanserant. Hoc supposito perinde erit, quacunq;
 etiam viâ vel ratione globuli isti ad recessus corporis, massæ-
 que sanguineæ ac glandularum tubulos pro deturbandis in-
 de acris saniei moleculis accesserint, modò accesserint sub
 forma habituq; globulorum; si cuim halituum forma os na-
 res-

resq; largius ingrediatur, (ut ad quæstionem de aurifabris
 respondeamus:) id ab ipso commodi sperandum non erit,
 cum Spiritus mediantibus nervis faucium nariumque for-
 tius, quām par est, indole sua, sulphureque justo liberio-
 re ac quodammodo arsenicali adoriantur turbentque, ac im-
 pulmonum quoque vesiculis stricturas ac circulationis im-
 pedimenta efficiant. Nec allegaveris jure paritatem fumi
 Mercurialis in casu nostro quoque ad corporis ambitum ap-
 pellentis, ac per cutis poros osculaque ejus glandularum
 interiora sine tali noxa subeuntis; neque enim halitus hi
 adeò immediate ac propinque spiritus afficiunt, nec caput
 ac pulmones petunt, quin potius in cutaneo vasculorum
 reticulo à lympha excepti in globularem condensantur re-
 deuntque formam, atque sub illa porrò, jam innoxiae, ad
 glandularum ac vasculorum penitiores devolvuntur re-
 cessus salivationem excitaturi. Sed cur ad gingivæ fau-
 ciumque & linguæ glandulas cumprimis fit larga ista cor-
 rupti infectique phlegmatis præcipitatio, salivationis ori-
 go, quænam Mercurio cum ore sympathia? Sciendum hic
 notandumque, ad alias quoque aliarum corporis regionum
 glandulas subinde præcipitari serum, ac salivationem tur-
 baro, quod ab alvi fluxu, si ad intestinales serum urgeat
 ejiciatque glandulas Mercurius, haud infreenter accidit;
 oris verò regionem ejusque glandulas facilius occupat lar-
 gior ille fluxus, tum ob harum incredibilem copiam, ac
 perpetuam hic usitatamque seri effusionem, tum ob aëris,
 corruptoris universalis, liberum continuumque appulsum,
 qui anlām appulsu suo assiduo atque elatere præbeat appell-
 entibus excretisque cum Mercurii globulis salium causti-
 corum spiculis erodendi vicinas partes, ut sic multiplicatis
 osculis, determinatoque huc seri à Mercurio præcipitati
 fusique fluxu largissimo, hæc præ aliis via ipsi eliminando
 congrua sit, graviterque hinc, vacillantibus dentium or-

dinibus, ulceratis gingivis, eroso palato, fissa crenbris hiatus lingua, putridaque & acri sanie effluente afficiatur. Quæ ipsa ulcerum multiplicatio alijs persuasit, etiam hoc malum corruptionemque vermium progeniem esse, uti verminosum dudum pestis contagium quidam Medicorum supposuere. Observant verò, Mercurium vermibus adversum esse, eosque necare, quam in rem faciunt Rediana quoque circa anthelminiticorum vim experimenta hic non discutienda. Quicquid verò illorum sit, sint in ulceribus myriades vermiculorum, non de eorum præsentia quæstio est, id potius queritur: Causæ ne an producti rationem habeant, utut enim ex putredine gigni animalculum nullum possit, in putredine tamen ea promptè exclaudi, enutriri ac foveri in propatulo est. Hujus verò ista loci nuuc equidem non sunt.

CAP. III.

*Cur Salivatio tot modis tentata haud successerit,
agro tamen in gratiam cum sanitate redeun-
te, inquiritur.*

Quidnam verò impedimenti fuit, quò minus succederet salivatio? non ausim introitum Mercurii ad intima corporis negare, etiamsi enim quis suspicetur fumum non penetrasse corporis integumenta, subsequuntur inunctio largior introducere potentius volubiles illos globulos, ac assumta Panacea eos dubio procul ad intima perduxit; nec effectus dubitare nos sinit, extincto feliciter veneno, exactisque ex corpore immanibus illis tortoribus ac symptomatibus. Accò minus modum methodumque licet accusare, cum plures alii eodem tempore ab eodem fumo bis saltē admisso largissimam expe-

experti sint Salivationem. Novum equidem non est, deprehendi ægros, qui ad salivationem difficulter perducantur, quorumque ad oris glandulas non sine molimine divertat serum, tandem tamen fluit, utut parcus, refractarius humor, concurrentibus cum primis tot motoribus, per tot vias methodosque admotis, hīc verò nihil quicquam successus ista omnia habuere.

Diætam, methodumque ac victus regimen frustra accusaveris, secta fuerat, corpore probè purgato, vena, dulcia plurium dierum balnea, (qui Italorum mos est) erant præmissa, Diæta proba ac tenuis, nec admissum aëris ambientis frigus, quod Mercurii sufflaminare effectum potuisse; frigus enim Salivationi subjectis maximè noxiū; (ut non potuerimus non mirari Militem quendam sub decursu Salivationis subito delirantem, seque in platea in nive volutantem, reductum in lectum nec gravia passum symptomata, nec à salivatione cessasse, sed eodem tramite feliciter ad finem perrexisse.) Utut igitur massam humorum pervaserit Mercurius, Salivationem tamen excitare haud valuit, tūm quod siccior arctiorque sanguinis compages fusionem lymphæ, quam penitorem salivatio requirit, haud admiserit, tum potissimum, quod individuale hoc venenum obsiccitatē temperamenti adeò corrosivæ deponentisque indolis haud fuerit, nec sui planè juris, sed ligatum magis viscidumque, ac lentum tubulis nervorum impactum; accessit forsitan idiosyncrasia hominis spissiore humorum consistentiā præditi.

Non tamen effectu exoptato caruit sicca hæc Salivation, evasit enim æger, liberatusque ab intolerabili symptomatum molestia opem nihilominus vimque Mercurii sensit. Quâ verò id factum ratione modoque? Dicam ne sudore mediante id factum; primi sane à decocto excitati sudores agrum miseriis obrutum reliquerant. Ac novi-

annus, quām difficile sit Luem sudoribus curare; ut cum
 exemplum suppetat Vīti diuturno decoctorum usū largis-
 que à Spiritu vīni accenso sudoribus sanati, bubone schir-
 rhoso exciso, labrisque ejus, ut sic loquar, lardosis ac cal-
 lesis rubro Mercurii præcipitato domitis; ex adverso alias
 vīti nunc subeat memoria, (similia verò exempla frequen-
 tissimè occurrunt,) qui bis etiam magno cum apparatu su-
 dorum torturam sustinens, haud tamen nisi salivatione ul-
 timatò in subsidium vocata restitui potuit. Nec tamen
 ultimos illos à decoctis, semper unā, dum præstolaretur
 salivationem, haustis excitatos sudores excluserim ab ista
 sanatione efficienda, multò minus eos, qui tam larga exun-
 datione sub ipsa fumi Mercurialis applicatione manabant,
 hi enim viscidum, obsidensque nervos atque acredine sua
 vellicans phlegma, à Mercurii globulis ex suis latibulis pro-
 trusum, nec ob Idiosyncrasiam subjecti ad salivales glan-
 dulas scatebrasque determinabile, per analogas reticuli
 cutanei glandulas forâs secum largissimo rivo eduxere, aliâ
 ejus parte ex penitioribus plexuum glandularumque inte-
 riorum recessibus excussa protrusaque ad glandulas inte-
 stinales alegata, indeque sub largiore illo eodemque ferè
 tempore juvante Panacea Mercuriali oborto alvi fluxu
 (utut haud frequenti) ejectâ. Nec dubitaverim posse e-
 motas viscidæ acrimoniaz emollitasque Mercurii robore
 particulas morari tantisper passim in emunctoriis corporis,
 nec uno ac sensibili inde impetu statim deturbari, sed sen-
 sim postea, sensimque cum mercurialis magnatis reliquiis
 ipso naturæ fibrarumque, se jam restituentium vigore ex-
 cerni; id quod iis potissimum in sanationibus evenire ar-
 bitror, ubi sine sensibili adeò excretione celebrata quorun-
 dam remedia atque antidota morbum tam gravem tollere
 dicuntur. Nec nullæ omnino in sanando ægro partes fuere
 tenuissimi viæ, atque accuratæ diætæ, sub qua cò faci-
 lius

Iius fuit globulis mercurialibus excutere ex abditis quibusque tubulis obstruentes virulentum humoris moleculas, atque in sui motus leges eas cogere, secumque abripere. Novum igitur largiusque nutrimentum ingestum ventriculo à pristinis cruditatibus libero, chylum facile subministravit novum atque laudabilem, qui sanguinem à pristini miasmate veneni jam expurgatum emundatumque subiens illi se facile junxit, blandum ejus massæ rorem, plenam nutritientem gelatina lympham, meliusque ac purius serum restituit, quo ipso motu sanguinis utroque, iam plene restituto floridus color, habitus corporis carnosus obesusque non potuit non sequi, novæque ægrum vitæ ac sanitati restituere.

CAP. IV.

Lues an sine salivatione curari queat, disquiritur, atque an eā plenè curetur; quidque de residuo in corpore Mercurio, faciliique in prius malum lapsu statuendum.

Sed quam gratum nunc foret exoptatumque huic hominum generi, si inferre hinc legitima liceret firmaque consequentia: non igitur opus esse amplius ad plenam Luis sanationem salivatione, posseque se supersede re terribili medicationis tam operosæ tamque fœtentis ac sordidæ incommodo. Absit verò, ut hoc indè porisma elicere audeamus. Non ubique ea ratione Mercurius vim suam exerit. Facilius alios ad salivationem urget, nec facile quisquam ex impuro isto gurgite enat sine Mercurio. Novimus quantum quidam sperent à forti Lignorum decoctione, assiduoque & admoto calenti spirituosoque halitu extorto per diuturnum temporis sparum sudore, haud

haud negamus multum hac viâ educi, sed & id cogimur
 fateri, multiplici experientia convicti, raro omne id hac
 methodo educi, quod mali præbet somitem, nisi superven-
 nientes Mercurii globuli penitus excutiant ex latibulis tu-
 bulisque acris veneni viscidiores reliquias. Virum suprà
 allegavimus sudoribus sanatum, sed junximus mox alium,
 facileque plurimos ostenderemus, qui ad argentum vivum,
 omnibus frustratentatis, salutariter confugerunt. Quan-
 quam morbi omnino plurimi gradus, quin & ausim dicere
 species sint agnoscendæ, non eadem semper illius vis, non
 eadem duratio, non symptomata eadem, nec eadem fir-
 mata radicum profunditate atque intimis impacta medul-
 lis. Nec latet nos, quid subinde lignorum radicumque de-
 cœcta diurno efficiant usu, quid vel sola, si probæ sit no-
 tæ, Sarsæparillæ radix continuo haustu largaque sorbi-
 tione valeat, junctis maximè, dulcis, mitigatique modis
 variis Mercurii, moderatis justis gradibus suppetiis. Quan-
 quam & hac ratione plerumque lenior succedat salivatio,
 nec facilè sine illa exoptato potiatur res eventu. Quin &
 ista facilius videamus succedere, si prius ægri salivationem
 at minus plenam, semel, iterumve passi sint, cujus exem-
 pla non desunt, lucripetis quandoque Chirurgis rem in-
 sufficienter agentibus. Quid quod non desint, qui adeò
 scatent turgentque miasmate isto, ut una salivatione ab-
 solvi non queant, sicciori cumprimis habitu gaudentes,
 requiri enim ad feliciorem sanationem aliquam seri abun-
 dantiam diluendo eliminandoque venereo & acri glutini
 aptam certissimum est. Ac militem nuper observavimus,
 qui salivatione licet plenè absoluta, aliquot mensibus ex-
 actis, novis artuum doloribus, aliisque indiciis urgen-
 tibus, novæ se salivationi submittere coactus fuit, fluxu
 largissimè iterum subsequente; qui tamen cum declinante
 ad finem fluxu incautius munditiem affectans sese lavaret
 hunc.

humectaretque, in febrem incidit pedisque Erysipelas, non sine periculo in sinuosum transiens ulcus, postea tamen brevi persanatum.

Quid igitur aliis tribuendum remediis erit? Dubites merito, multumne liceat promittere vel tribuere iis etiam remediis, quae aliâs in edomanda pertinaci, (at non Venerea) sanguinis acrimonia atque impuritate primas omnium consensu tenent. Fœmina Pedemontana à Marito, ut ferebat, infecta graves patiebatur in vicinis utero partibus excoriationes, ardorem ac consueta symptomata, nec liberæ erant cinctæ pustulis fauces. Mercurialibus exponi remediis nec voluit, nec, quod regerebat, potuit; petit remedia palliativa, juscula herbis refrigerantibus ac vulnerariis alterata largius haurit, multumque assumit pulveris absorbentis, Anticacheetici, multumque Nitri crudi crystallini, ac cinnabaris; redit hinc brevi ad statum corporis meliorem; & per novem ferè ab illo tempore menses munere suo sine impedimento fungitur, herbasque vendit aëri semper libero exposita; cumque dehinc sentiret minutus quasdam in collo pustulas redit ad eadem remedia non sine fructu. Dicemusne eam constanter à malo gravissimo liberam, haud crediderim; nec eundem aliis in simili casu successum promitterem. Fortiori opus est cuncio, si radices profundè actas evellere, ac stabilem expectare velis sanationem. Si igitur quæsiveris, an sine Mercurio ac sine Salivatione Lues persanari queat, non idem promiscue dabimus responsum. Difficile omnino id est sine salivatione qualicunque, at possibile tamen esse & præsenti hoc & aliis docemur casibus, si maximè ad graduum mali respiciamus differentias; difficilior adhuc res erit sine omni Mercurio, nec tamen eam omnino negaverimus.

Unde si quæras quid censeamus de tanta Antidoto-
rum, Specificorum, Panacearum, pomposisque aliis titulis
superbientium remediorum efficacia ac præstantia, æ quo
animo feres, si falsis nonnulla, atque hyperbolice dictis
alia accenseamus, quædam verò bona ac salutaria esse posse
haud inficiemur; neque tamen dubitamus, ultima hæc
ad Mercurii tribum classemque pleraque pertinere, quem
tot induere formas, tamque diversis sub palliis, coloribus,
formulis, titulisque latere in dies comperimus. At si di-
xeris, Salivationem talia non excitare Mercurialibus pro-
priam, responsum hoc dabimus: In siccioribus, veneno
viscido magis, quam caustico ac nullo ferè sero diluto,
etiam Mercurialia non raro salvationem non excitant, ut-
ut juvare tamen posse priori jam capite censuerimus;
cùm verò Salvationem in aliis humidioribus sæpe præter
spem soleant excitare, testantur eo ipso de indole sua Mer-
curiali, & promissa non semper præstant.

Referemus huc non immitto plures exterorum me-
thodos peculiaribus etiam libellis commendatas, promit-
entes facilem commodamque sine salvatione aut sudati-
tione molesta aut singulari diæta sanationem; Harum
enim non paucæ ad inania promissa, agyrtarumque scho-
las pertinent, si cum primis rem tam facilem, tamque
jucundam, ac nullis diætæ adstrictam regulis temerario
pronuncient ausu, cùm noverint probè ingenui Medici
quantum illa rès difficultatis, quantumque tutissima etiam
methodus incommodi habeat. Si verò sint, uti quidem
esse non dubitamus, inter illa Methodi quædam laudabi-
les, illæ quidem ex Mercurii fontibus fluunt, aut Diapho-
reticorum in classem referendæ sunt, malo profundius in-
fuso delendo haud pares. Arcana verò quæ plures sibi

refer-

reservant huc minimè trahimus, nostrum enim non est de occultis judicare.

Unam adhuc Helvetii methodum sicco pede præterire non licet, en Tibi, L.B. titulum, formulamque: *Tisane Specifique contre toutes les especes de maladies honteuses.* Elle est d'un usage si commode, qu'elle n'oblige presque à aucune contrainte; elle guerit sans besoin de repos & sans regime de vivre extraordinaire, & est employée avec succès contre le Rhumatismes inveterés & contre le vies ulcères; enfin contre toutes les maladies qui sont causées ou entretenues par l'impureté de la masse du sang. Composition de la Tisane: prenés de l' ecorce de Bois de fer rapée 8 onces, de senné 1 once, de Reglisse 2 onces, faites bouillir le tout dans huit pintes d'eau reduites à cinq pintes. Ajoutés de l'ambre gris.

&c. Bis autem de die assumitur Ptisana illa per dies 24. Infinitis se vicibus vites ejus expertum esse testatur Vir Celeb. Eo autem de remedio tam celebrato erimus brieviores, quod propria experientia de eo nobis non constet, corticesque illi nostris hactenus officinis ignoti sint, nec in Galliis, Helvetio teste, repertiantur, sed ex America ipsi transmissi fuerint, in Belgio tamen & Anglia quoque reperiundi. Non audemus tamen insignem illam vim depurantem vocare in dubium, postquam exotica nonnulla specifica tam egregiè respondent expectationi nostræ, quæ chaquerillæ & chinæ chinæ cortices, atque Hypecacuan-hæ radix nobis meritò refertur. Helvetio quoque Radix Parera brava (quæ tamen ad stabiendam suam vim nephriticam apologiâ occasione Comitis d'Avaux indiguit) Pedra del porco, Radixque Nisy &c. Quanquam cautè in his procedendum sit, nec credendum laudibus exotico-rum temerè, vellicante nobis autem Francisco Redi, dili-

genti observatore, (nell' esperienze intorno à diverse cose naturali è Indiche) cùm enim recentissimis hodiè scriptis juxta cum laudata Boutua, nephritico summo, ac Chantala-guà, depurante sanguinem remedio, Iguanhæ lapis mirabile nephriticum deprædicetur, Redi non dubitavit hunc ex Iguanhæ ventriculo lapidem, qui calculum frangere debeat, annumerare aliis, quorum prorsus elevat ac negat virtutem, utut aliis multum laudatam, uti lapidis Cobra di Cabello, lapidis serpentis di Mombaza, animalis Tatou efficaciam pro sudore eliciendo in Lue venerea, del pepe di Tavasco contr. Epileps. Radicum Ivan Lopez & della Manique, & di Quejio, aut Cheggio contr. venen. &c. præstat igitur pluribus firmari experimentis exotica, antequam iis, uti corticibus supra dictis atque radici Hypecacuanhæ fidamus.

Quacunque verò malum Venereum methodo tollatur, perinde erit, modò plenè ac radicitùs sublatum sit. Quem enim Dissertationis hujus materiem esse voluimus æger rectissimè postea valuit. Non omnibus eadem obtinet felicitas, sed nec omnibus iste saltē Luis gradus obtinet inferior mitiorque. Quām verò quidam enormiter laborant, quām diffluunt tabo, quām ulcerata ubique pelle nullum amplius occultandi mali prætextum magno suo tædiore periunt, ad eam sæpè redacti miseriam, ut milles sibi mortem exoptent tam miseranda vitâ optabiliorem. Et quām frequentes ii sunt, qui remediis etiam usi, liberi tamen à malo haud possent pronunciari. Unde non immetitò audias quæri: An perfectam Lues adulta obfirma taque admittat curam? Respondemus breviter: Sine salivatione, sine Mercurio rarius id obtineri observabis, his verò ritè adhibitis plerumque feliciter res cedit; non ausim tamen dicere semper eadem ratione successutam. Tanta

subinde

subinde vis mali est, tanta pertinacia imis hærens medullis, ut absoluta etiam quacunque, ut vocant, cura, remediis adhuc opus sit, immo nec iis quidem character ille, quem propterea vocaveris indelebilem, aliquando deleri possit. Semper aliquid hæret. Est, quod nunquam non torqueat, terreatque miseros à gravibus utut symptomatis liberatos. Et si gonorrhœa saltem inveterata laboraverint, (maximè si pluribus eò vicibus redierint) quam quæso eos residuum illud extillantis subinde liquidi torquet reteretque, quod Novesius mayult à cingentibus glandem glandulis derivare, nos ab intimis urethræ recessibus deducimus. Quanto majores illi sentiunt reliquias, qui ipsa Lue penitus laborarunt; unde admodum se mutatos deprehendunt, totiesque queri eos audias, de residuo in corpore Mercurio, qui molestias ipsis creet. Poteritne igitur Mercurius absolutâ tali curâ in corpore remanere, ac nocere corpori? Nocere aliquando mineralis maximè indolis remedia corpori ingesta dubio caret, utut noxa statim se non exerat. Arsenicum, adeò in dosi majori celester jugulans, temerè equidem, at sine noxa tamen mox sublecente, in febribus maximè, quosdam audaciores minori dosi exhibuisse notum est in vulgus: metuendum verò meritò est, eos, qui illud assumere impunè id non laturos, sed ipsa vitæ stamina per insidias adoriri posse truculentum, utut exhibitionis tempore salutare remedium. Non eadem Mercurii violentia, at manifesta tamen ejus cum salibus combinati erodendi vis est; utut igitur non deleteria ejus in corpore præsentia sit, tamen tuta non est, cum haud frustra possis metuere, ne blandæ antea Mercurii moleculæ salium spiculis p. n. causticis combinatæ in corrosivam resurgent noxiampque indolem. Fatendum tamen multos Mercurium accusare, quibus noxam intulit

nullam, remedio innoxio adscribentes tristes morbi reliquias; non sanè Mercurius est, qui te pristinum non sinit recuperare vigorem roburque; cur non potius veneni haud penitus perdomiti quasdam reliquias, cur non inhærentem quibusdam adhuc vel tubulis, vel humoribus labem accusas, & læsum laxatumque à gravi impactoque profundius morbo fibrarum, partiumque tonum, remoto licet veneno ipsis haud unà auferendum, & laxam, molliuscum læsarium ante partium, ac sèpè minus fida cicatrice obductarum texturam, quâ fit, ut tam facile in pristini formidandique morbi recidas incommoda, miasmate novo partibus à pristino malo tenerioribus laxisque, firmius mox profundiusq; adhærente; tormenta enim morbi, tormenta remedii, & quicquid illa habent molesti, detestari equidem voluptates istas omnes cogunt ægros, quamdiu sub ista ingemiscunt carnificina; fidem verò id omnem superat, eorum plurimos tam facile istorum omnium obliviisci, sed loquitur quotidiana experientia, quām promptè redeant ad pristini tormenta mali miseris delusi illecebris, ac dum carvere sibi maximè ab infectione student, penitissimè inficiantur, quasi verò labem istam occultam ac sèpissimè invisibilem possent effugere, cum sectione teste, corpora ad aspectum munda ac purissima, putri carie in ipsis ossium compagibus nigrescere queant, atque occulto subtili que scatere veneno. Exemplum ejus rei nuper celebris Nosodochii Genuensis Anatomicus publico dedit in cadavere venustissimæ fœminæ, quæ atroci cephalæa perierat, nullam in illo triplicis sectio ventris mali causam ostenderat, donec mirante, ac penitus scrutante Anatomico præter occultam in interno uteri osculo labem, caries profunda in loco antea dolente deprehensa est, integumentis tamen nocturnis, nec decoloribus, idemque in tibia obser-
 vatuum,

vatum. Quis verò non miretur corpus internè externèque nitidum & pulchrum, ad medullas ossium usque carie fœdatum occultèque infectum, ac venenum adeò corrosivum, solidis præcipue intimisque partibus, mollibus ferè intactis, fuisse infestum? Analogia verò, (ut & obiter illud moneamus) inter fœminam hanc ægrumque nostrum manifesta fuit. Namque & in ea penetrantissimi veneni miasma nervorum maximè occupâsse sistema videtur; quæ enim in partibus utero vicinis deprehensa est labes, effetus potius finientis morbi, quam principum ejus fuit; Cephalæa verò intensissima non ex ossis, sensu destituti, ulceræ ac rosione, sed immani peticranii nervorumque irritatione orta est. Utut verò nulla in nostro caries ossa occupaverit, quod in tempore adhuc malum fuerit extinctum, antequam metastasis in solidas has fieret partes, ossiumque tubulos, satis tamen truculenter in plexibus fibrisque nervorum, ac periostio plurimaruim partium sævierat acerrimus Luis fomes, idem successu temporis, moraque in illis locis diurna, ossium tubulis vitium induaturus, nî extinguis feliciter fuisset.

Quicquid verò horum sit, facile est (ut redeamus ad tactam paulo ante quæstionem,) facile est pervidere, quâ ratione promptius labem denuò contrahat corpus, eâ jam pridem graviter imbutum, utut postea congruis sanitati remediis restitutum; neque enim semper fundamenta radicesque mali omnes extirpat adhibita sanationis methodus, tûm quod aliquando palliativa magis, quam vera metito suo audiat sanatio, tûm quod tam profunda radicataque fuerit labes, ut ne selectissimis quidem extingui perfectè remediis valuerit, obductis cicatrice minus fida tenerissimis spongiosisque ac cellulosis partibus, & quam cum

pronum est, quāmque facile impuræ cuvis acrimonīæ denū illas percellenti fibrillas novas ibi turbas excitare, novas ludere tragœdias, si maximè offendant in corpore, quas conjungant sibi excitentque aliquandiu hactenus torpentes quiescentesque reliquias pristini mali ac veneni, haud ex omni glandularum recessu excussi penitus atque extra corporis ambitum ejecti. Noster verò Juvenis eò pleniùs cum sanitate rediit in gratiam, quòd præter primam sub Gonorrhœa Urinariæ viæ, ejusque glandularum membranarumque exulcerationem, salium hostilium acies graviores continui solutiones, viscidis quippe irretita adque fusionem minus aptis moleculis, haud effecerit. Nec sanè licuit sine admiratione aspicere hominem, facie prius Hippocratica terribilem, stricturis dolorum ac dyspnœæ immanibus ferè enectum, brevi verò (absoluto scil. diuturnæ satis Mercurialis sanationis curriculo, obtriplicem methodum combinatam expectatumque frustra salivæ fluxum prolixiore) florida facie, vegeto artuum usu, habitu athletico vigentem valentemque. Hic
verò subsistimus !

F I N I S.

